

**MESYUARAT KEDUA PENGGAL KEDUA
DEWAN UNDANGAN NEGERI PULAU PINANG
YANG KELIMA BELAS
22 NOVEMBER 2024**

PERKARA : 5(B)56

**SOALAN LISAN OLEH AHLI KAWASAN BUKIT TAMBUN
YB GOH CHOON AIK**

56. Senaraikan semua penerbangan terus ke Lapangan Terbang Antarabangsa Pulau Pinang (LTAPP) dan nyatakan jumlah penumpang domestik dan antarabangsa bagi tahun 2024.
- (a) Huraikan status penaiktarafan LTAPP oleh Malaysia Airports Holdings Berhad (MAHB).
 - (b) Huraikan kerja-kerja penaiktarafan infrastruktur dan penyuraian trafik sekitar LTAPP dan pihak pelaksana.
 - (c) Huraikan status pengambilan tanah Sekolah Jenis Kebangsaan Cina (SJKC) Chung Shan dan proses pemindahan sekolah.

**YB ZAIRIL KHIR JOHARI
MENJAWAB BAGI PIHAK YAB KETUA MENTERI**

56. Lapangan Terbang Antarabangsa Pulau Pinang (LTAPP) mempunyai 19 penerbangan terus antarabangsa. Senarai bandar-bandar bagi penerbangan terus tersebut adalah Singapura (SIN), Bangkok

(Suvarnabhumi International Airport (BKK); Don Mueang International Airport (DMK), Phuket, Guangzhou, Xiamen, Hong

Kong, Medan, Jakarta, Surabaya, Banda Aceh, Taipei, Ho Chi Minh City, Dubai, Shanghai, Shenzhen, Chongqing, Kunming dan Doha. Jumlah ketibaan domestik dan antarabangsa yang direkodkan mulai bulan Januari hingga September 2024 masing-masing adalah 1,344,111 bagi ketibaan domestik dan 1,395,487 bagi ketibaan antarabangsa.

- (a) Projek pembesaran LTAPP ini melibatkan pembesaran kapasiti lapangan terbang daripada 6.5 MPPA (*million passengers per annum*) kepada 12 MPPA apabila siap kelak. Anggaran kos keseluruhan bagi projek pembesaran LTAPP ini adalah sebanyak RM1.55 bilion di mana hampir keseluruhannya akan dibiayai melalui inisiatif pembiayaan swasta oleh Malaysia Airports Holdings Berhad (MAHB) tanpa sebarang kerjasama dengan syarikat swasta lain. Projek pembesaran LTAPP melibatkan tiga (3) pakej seperti berikut:
- (i) Works Package 1 (WP01) melibatkan kerja-kerja bangunan sokongan dan pembinaan Remote Digital Virtual Tower (RDVT);

- (ii) Works Package 2 (WP02) melibatkan kerja-kerja infrastruktur *airside* dan *apron*; dan
 - (iii) Works Package 3 (WP03) melibatkan kerja-kerja di terminal utama. Buat masa ini, Letter of Award (LOA) bagi WP01 telah dikeluarkan pada bulan Julai 2024.
- (b) Bagi menyuraikan lalu lintas di sekitar LTAPP selepas kerja-kerja menaiktaraf LTAPP siap, berikut merupakan tindakan-tindakan yang akan diambil:
- (i) Membina satu jalan baharu dua lorong dua hala dengan rezab minimum 66 kaki dari Jalan Sultan Azlan Shah (berhampiran pejabat Jabatan Penerbangan Awam sedia ada) ke Lapangan Terbang supaya kenderaan dari Jalan Sultan Azlan Shah membelok kiri ke Lapangan Terbang dan kenderaan dari Lapangan Terbang dapat keluar ke Jalan Sultan Azlan Shah dan seterusnya membuat belokan kanan ke Jalan Tun Dr Awang berhampiran bulatan Bayan Lepas sedia ada tanpa konflik. Belokan kiri dan pergerakan terus dari Lapangan

Terbang ke Jalan Tun Dr Awang di bulatan Bayan Lepas sedia ada tidak lagi dibenarkan;

- (ii) Konflik lalu lintas di bulatan Bayan Lepas dielakkan dengan menyediakan aliran lalu lintas bebas di persimpangan ini. Belokan kanan dari Jalan Tun Dr Awang ke Jalan Bayan Lepas tidak dibenarkan lagi. Oleh yang demikian, dua lorong lalu lintas akan disediakan untuk kenderaan membelok kiri ke Jalan Sultan Azlan Shah dan seterusnya menggunakan pusingan-U bertingkat untuk menuju ke arah selatan. Satu pusingan-U akan disediakan pada aras tanah untuk membenarkan lalu lintas dari Jalan Tun Dr Awang membuat pusingan balik ke arah Sungai Ara/Relau;
 - (iii) Membina hab pengangkutan awam di dalam kawasan LTAPP; dan
 - (iv) Melebarkan Jalan Garuda kepada empat lorong lalu lintas.
- (c) Tapak Sekolah Jenis Kebangsaan Cina SJK(C) Chung San, PT 227, Mukim 12, Daerah Barat Daya telah dijadualkan dalam senarai lot-lot terlibat dengan pengambilan tanah bagi Projek

Pembesaran LTAPP. Pada masa kini, proses pewartaan di bawah Seksyen 4 dan 8 Akta Pengambilan Balik Tanah 1960 (Akta 416) sedang disempurnakan. Setelah pengambilan tanah selesai kelak, Lembaga Pentadbir Sekolah SJK(C) Chung San boleh menguruskan perolehan tapak sekolah serta pembinaan bangunan yang baru dengan menggunakan pampasan pengambilan balik tanah yang akan dibayar mengikut ketetapan Akta 486.